



COMUNA DE DURGALI

PROVÌNTZIA DE NÙGORO

DELIBERATZIONE DE SA GIUNTA COMUNALE

N. 74 DE SU 09-08-2023

OGETU: “Autunno in Barbagia 2023”. Aprovatzione e pranu econòmicu de màssima, diretivas e mòdulos de adesione. Indiritzos a sos ufitzios.

S'annu duasmìgiabintirès, sa die noe de su mese de austu a sas oras 12:00, in Durgali e in sa Domo Comunale, cunvocada a sos sentidos de lege, s'est riunida sa Giunta Comunale in sas persones de sos Sennores:

Testone Angela	Sìndiga	Presente
Fancello Antonietta	Assessore	Presente in videoconferenza
Ruiu Gianmaria	Assessore	Presente
Mele Sonia	Assessore	Presente
Carotti Bernardino Luigi	Assessore	Presente
Canu Martino Davide	Assessore	Presente

Atendet a sa setziada su sutascritu Vitze Segretàriu Comunale, Dut.ra Elena Rita Mereu.

SA GIUNTA

BIDA sa deliberatzione de sa Giunta Comunale N. 42 de su 12/05/2023, relativa a s'adesione a su Tzicùitu “Autunno in Barbagia 2023” e a s'aprovatzione de su Disciplinare de sa manifestatzione;

DATU ÀUTU chi s'Amministratzione Comunale at partetzipadu a una filera de addòbios organizados, pro definire sas linias programàticas e disciplinares paris cun sos àteros Comunos iscritos a su Tzircùitu "Autunno in Barbagia" s'annu 2023;

BIDA sa nota Prot. N. 7342 de su 04/05/2023, imbiada dae s'ASPEN de sa Càmera de Cummèrtziu de Nùgoro relativa a sa comunicatzione de su calendàriu definitivu de su Tzircùitu “Autunno in Barbagia” ediz. 2023 e a sa cunfirma pro Durgali pro sas datas de su 30 cabudanni e 1 santugaine 2023;

Cunsideradu chi in data 17.05.2023 prot. 8124 fiat trasmitida a Aspen còpia de su de disciplinare 2023, firmadu dae sa Sindaca, a su fine de perfetzionare s'adesione a su Tzircùitu;

Cunsideradu chi su Comunu de Durgali, in data 13 làmpadas at cunvocadu sa prima assemblea pro sos esponidores pro trasmìtere a sos matessi sa voluntade de s'Amministratzione de partetzipare a su Tzicùitu e sas finalidades de su matessi;

Cunsideradu chi s'Amministratzione tenet idea de rèndere prus tìpicas e prus originales sas Cortes e at pro custu pedidu una proposta progetuale pro sa diretzione artìstica de s'eventu;

BIDU su preventivu, prot. 12531 de su 28/07/2023, presentadu dae sa dita Eikon chi pertocat una proposta in tale sentidu e detzìdidu de affidare a sa matessi sa diretzione artìstica de sa manifestatzione in ogetu;

ATESU chi si rendet netzessàriu a aprovare e publicare in bia preventiva su mòdulu de adesione giradu a sos esponidore e a sos chi si cherent pònner de ristoradores e sas diretivas subra de sa manifestatzione, in modu de sighire cun sa definitzione de sas “cortes” e de sos “punti ristoro”;

RETENTU PRETZISU pensare a una programatzione econòmica de màssima de sa manifestatzione, pro mèdiu de su providimentu presente, pro cunsentire a su responsàbile de s'Àrea de cumpetèntzia de assùmere totu sos providimentos pretzisos netzessàrios pro una organizatzione lestra;

BIDU su pranu econòmicu de màssima pro sa realizatzione de sa Manifestatzione “Autunno in Barbagia 2023”, de s'importu cumplessivu de € 25.500,00;

BIDAS sas diretivas pro sos puntos de recreu e sos esponidores e sos mòdulos de adesione a sa Manifestatzione "Autunno in Barbagia";

DATU ÀUTU chi su pranu gestionale e de atuazione de su programa, in cunsideru de sas difficultades de gestione completa direta des'Ente cun su personale suo contat cun sa collaboratzione in bia generale de s'Assòtziu Turistichu Pro Loco Durgali, ischertada in forma subsidiària a integratzione de sas fainas istituzionales de sa Comuna;

BIDU s'art. 4 - comma 6 - de su D.L. 95/2012 e pigadu àutu chi, pro costante interpretatzione de sas medas Setziones regionales de sa Corte de sos contos, "sos Comunos, in sa base de su chi detzidint issas in manera autònoma e segundu sos printzìpios de amministratzione sana e pretzisa, podent deliberare contributos a profetu de Entes chi, mancari no essende afidatàrios de servìtzios, acumprant una faina chi si cunsideret ùtile pro sos tzitadinos" (Corte de sos Contos Lombardia n° 226/2013/PAR); e "arreant galu permitidas sas ispesas pro iniziativa organizadas dae Amministratziones Pùblicas, siat in forma direta chi indireta, pro su tràmite de sugetos postos a livellu istituzionale pro fainas de valorizatzione de su territòriu" (Corte de sos Contos Lombardia 89/2013/PAR);

Cunsideradu chi sa manifestatzione Autunno in Barbàgia est nàschida pro propònere a sos visitadores su mègius de sas traditziones gastronòmicas, folclorìsticas, artesanales e artìsticas de sas biddas de Barbàgia;

DADU àutu chi s'iniziativa in esàmene est in sos setores chi s'Amministratzione Comunale podet dispònere sa cuntzessione de contribuidos, a sos sentidos de su Regulamentu vigente pro sa cuntzessione de contributos finantziàrios e profetos econòmicos a entes pùblicos, assòtzios e organismos pùblicos o privados aprovalu cun deliberatzione C.C.

n. 30 de su 29.07.2021;

TORRADAS A CRAMARE:

- sa deliberatzione Consiliare n. 14 de su 04/04/2023, deretu esecutiva, cun sa cale est istadu aprovalu su DUP de su Comunu de Durgali 2023/2025;
- sa deliberatzione Consiliare n. 15 de su 04/04/2023, deretu esecutiva, cun sa cale est istadu aprovalu su Bilanzu de Previsione de su Comunu de Durgali 2023/2025;
- sa deliberatzione G.C. n. 27 de su 18 aprile 2023, chi giughet "aprovatzione de su Pranu esecutivu de gestione 2023/2025";

BIDU su pàrrere favorèvole espressadu dae sos Responsàbiles de sos Servìtzios interessados a sos sentidos de s'art. 49, 1° comma, de su D. Lgs. N. 267 de su 18.08.2000;

Unànime

DELIBERAT

- De sighire cun s'organizatzione de sa manifestatzione "Autunno in Barbàgia 2023", previdida pro su 30 cabudanni e su 1 santugaine, dende mandadu a sos ufizios cumpetentes pro s'adotzione de sos providimentos de incàrrigu collaborativu cun sa dita Eikon e s'Assòtziu Pro Loco e totu sos àteros atos chi benint dae sa deliberatzione presente;
- De approvare su mòdulu de adesione de sos esponidores e de sos puntos de recreu cun sas diretivas subra de sa manifestatzione "Autunno in Barbàgia 2023", alligongiados a sa deliberatzione presente;
- De approvare su programa econòmicu de màssima, alligongiadu A a sa deliberatzione presente, istabilende chi s'istantziamentu de bilanzu pro s'organizatzione de sa manifestatzione ammontat a € 25.500,00;
- De dare atu chi sunt istados espressados sos allegados pàrteres favorèvoles, a sos sentidos de su D. Lgs. N. 267/2000;
- De rèndere sa presente deliberat esecutiva dae deretu a sos sentidos de s'art. 147 de su D. Lgs. 267/2000.

Letu, aprovalu e sutascritu.

Sa Sìndiga
Comunale F.to Dut.ra Angela Testone

Su Vitze Segretàriu
F.du Dut.ra Elena Rita Mereu

ATESTATZIONES E PÀRRERES
(a sos sentidos de s'art. 49 comma 1 de su D.LGS. 267 de su 18.08.2000)

Parre in òrdine a sa Regularidade Tècnica	
Èsitu: Favorèvole SERVÌTZIU Data: 09-08-2023	SU RESPONSÀBILE DE F.du Maria Teresa Casula
Parre in òrdine a sa Regularidade contàbile	
Èsitu: Favorèvole SERVÌTZIU Data: 09-08-2023	SU RESPONSÀBILE DE F.to Dut.ra Elena Rita Mereu

TZERTIFICADU DE PUBLICATZIONE

S'ATESTAT chi sa presente deliberatzione, publicada a s'albu pretòriu informàticu de custa Comuna de su 09-08-2023 a su 24-08-2023, est istada trasmìtida in còpia a sos Cabosgrupu Consiliares (a s'art. 125, c.1, de su D.Lgs 18/08/2000, n° 267) e at a devènnere esecutiva su 09-08-2023:

Su Prepostu a sa Publicatzione F.da
Silvana Loi

Sa presente còpia est cunforma a s'originale.